

բաջասրտութիւն, զոր դուքդ¹ արարեք, եւ թերեւս այսաւր կենդանի էին իբրեւ զծեզդ եւ ի միջի եւ առ մեզ»:

10 Եւ պատասխանի տուեալ Մամիկոնենին Վահանայ թագաւորին Վաղարշու, առաջի ամենայն բազմութեանն՝ ասէ. «Խաւսել առաջի Աստուծոյ եւ առաջի ձեր թագաւորաց երկայն բանիւք՝ չէ արժան: 11 Զանգի ես զամենայն զխաւսս մեր եւ զխնդիր եւ զհամարձակութիւն գործոյն, դնել զանձինս ի մահ, ցուցի ձեզ եւ ամենայն դրանն աւագանւոյ ի ձեռն Նիխորոյ գրով եւ կնքով. զնոյն բազում անգամ ասել՝ յերկարումս է խաւսից եւ ձանձրութիւն: 12 Վասն զի զկամս եւ զանհաւան բնութիւն², զոր ասացեք դուք զեղբարէն ձերմէ զՊերոզէ³ շատ էր եւ առն թագաւորի անպատշաճ⁴: 13 Բայց ի յայլ ոք արդեաւք, յոր լինէր ի նմանէ բռնութիւն՝ տամք էր արդեաւք եւ կամ կենաւք եւ կամ պատուհասիւ ինչ այլով. իսկ զմեզ՝ հոգւովք հարկանէիք. որում կարեաց եւ վտանգի ո՛չ մեր նախնիքն եւ ոչ մեք առաջի չկարացաք կալ: 14 Եւ հանապազ բողոքեալք եւ բողոքեմք, եթէ սուտ թուին մեզ արեւնքդ ձեր, եւ մարդոց⁵ անմտաց բարբանջմունք են. եւ մի՛ բռնադատեք զմեզ թշնամանել՝ զոր կամաւ եւ խորհրդով⁶ պատուել ոչ կարեմք եւ ոչ սիրել, զի ծաղր թուին մեզ եւ չհաւատամք. եւ իշխանաբար եւ ըստ բռնութեան չլսեալ⁷ բողոքոյն մերոյ՝ եւ կամէիք կորուսանել զմեզ, եւ կորուսաք: 15 *Զանգի արեւնք մեր գարբութիւն խնդրեն, եւ զամենայն աղտեղութիւն, որով հոգիք մարդոյ կորնչին՝ չառնուն յանձն եւ չկամին. եւ տերանց հրամայեն ծառայել եւ հնազանդ լինել, որպէս Աստուծոյա՝* 16 Եւ արդ ա՛ղէ ⁸ցուցեք այր մի որ ի Պերոզէ արքայից արքայե՞⁹, որ զձեր արեւնս կատարեալ է եւ պատուեալ են, թէ վասն պիտոյութեան եւ կամ ի կռուի վաստակ եւ գործ ցուցանելոյ գտեալ է: 17 Վասն զի ձեր Արեաց զաւրագլուխք բազում եղեալ ի տեղիս տեղիս, ասացեն զմիոյ ուրուք ի դոցանէ գերեւելի գործ ինչ, զոր նոցա արարեալ է եւ ձեր զաւրագլխաց տեսեալ, եւ վասն այնպիսի վաստակոյ նոցա՝ ձեր հատուցումս արարեալ է: 18 Իսկ զաղտեղի գործս նոցա եւ զմահապարտութիւն

1 SS. զորս դուք

2 Ձ. բռնութիւն

3 Ձ. զեղբորէն ձեր մեզ պերոզէ

4 Ձ. եւ անպատշաճ

5 Ձ. մարդոյ

6 SS. կամաւ խորհրդով

7 Ձ. չլսել

ա Յմմտ. Եփես. 2 5:

8 Ձ. ի պերոզի. *թուի ուղղելի* ցուցեք այր մի, որ զձեր օրէնս կատարեալ է եւ (որ) ի Պերոզէ արքայից արքայե պատուեալ՝ եթէ

9 SS. որ Պերոզի արքայից արքայի